



Broj/Broj: 01/6-50-1-6-28/06
Sarajevo/Sarajevo: 29.8.2006.godine

Z A P I S N I K
27. sjednice Komisije za promet i komunikacije,
održane 29.8.2006. godine

Sjednica je održana 29.8.2006., s početkom u 9,00 sati.

Sjednici su prisustvovali članovi Komisije:

- | | |
|-------------------------------------|--------------------|
| 1. Miloš Jovanović, predsjedavajući | 7. Nenad Mišić |
| 2. Ivo Lozančić | 8. Selim Bešliagić |
| 3. Muhamed Moranjkić | |
| 4. Ruža Sopta | |
| 5. Adem Huskić | |
| 6. Izet Hadžić | |

Opravdano je odsustvovao Milorad Živković.

U ime Vijeća ministara BiH sjednici su nazočili: Izet Bajrambašić, Željko Knežević, Mirko Šekara i Miroslav Bjelobrk.

Sjednici je prisustvovao i privremeni tajnik Komisije Ahmed Jalovičić.

Predsjedatelj Miloš Jovanović predložio je sljedeći

D N E V N I R E D

1. Verificiranje Zapisnika 26. sjednice, održane 06.07.2006.godine,
2. Prijedlog zakona o izmjenama i dopunama Zakona o osnovama sigurnosti prometa na cestama u BiH, predlagači zastupnici Selim Bešliagić, Mirsad Ćeman i Beriz Belkić
3. Prijedlog zakona o izmjenama i dopunama Zakona o osnovama sigurnosti prometa na cestama u BiH, predlagači zastupnici Mirsad Ćeman i Izet Hadžić,
4. Prijedlog zakona o izmjenama i dopunama Zakona o osnovama sigurnosti prometa na cestama u BiH, predlagač zastupnik Milorad Živković,
5. Prijedlog zakona o elektronskom potpisu, predlagač Vijeće ministara BiH,
6. Odluka Vijeća ministara BiH o predmetu, obimu i vrsti koncesije u svrhu izgradnje Autoceste na koridoru Vc,
7. Informacija i zaključci sa Javne rasprave o Projektu "Autocesta na koridoru Vc",
8. Ostala pitanja.

Dnevni red jednoglasno je prihvaćen.

Ad. 1.

Na prijedlog Zapisnika nije bilo primjedbi, pa je Komisija jednoglasno verificirala Zapisnik 26. sjednice održane 06.07.2006.godine.

Ad.2

Predsjedatelj je podsjetio prisutne da su prilikom rada na usaglašavanju Zakona o osnovama sigurnosti prometa na cestama u BiH zastupnici Zastupničkog doma napravili ustupak radi usvajanja Zakona i prihvatili amandamane Doma naroda koji propisuju blaže kazne, a da se predloženim izmjenama Zakona predviđaju veće kazne. Mišljenja je da treba pričekati primjenu Zakona i onda predlagati izmjene, te će stoga glasati protiv Prijedloga zakona.

Selim Bešlagić je istakao da iako je potpisnik Prijedloga zakona ne podržava usvajanje Zakona, te podsjetio na mišljenje Vijeća ministara da ne treba usvajati promjene Zakona o osnovama sigurnosti prometa na cestama u BiH, jer su predložene izmjene Zakona razmatrane u Parlamentarnoj skupštini BiH tokom procedure usvajanje Zakona i nisu usvojene, a da će primjena Zakona eventualno ukazati na opravdanost određenih izmjena.

Nakon sprovedene opće rasprave Komisija je sa pet glasova “protiv” i jedan “suzdržan”, nije prihvatila principe Prijedloga zakona.

Na osnovu članka 89. Poslovnika, Komisija je za izvjestitelja odredila predsjedatelja Komisije Miloša Jovanovića.

Ad. 3

Predsjedatelj je ukazao na da je identičan Prijedlog zakona na dnevnom redu današnje sjednice Zastupničkog doma i da je usvojen u Domu naroda, koji traži da se razmatra po članku 105. Poslovnika.

Mirko Šekara je napomenuo da da je Ministarstvo formiralo radnu grupu za svaki pravilnik i da su sada gotove radne verzije pravilnika, a da će svi zainteresivani biti konsultovani prilikom konačne izrade pravilnika, te da nije potrebno mijenjati Zakon.

Izet Hadžić je istakao da kao predlagač Zakona smatra da se u demokratskom društvu mora omogućiti rad svim organizacijama koje se bave organizovanjem obuke za osposobljavanje kandidata za vozače iz nastavnog predmeta pružanja prve pomoći, jer nije demokratski da postoji državni monopol Crvenog križa, kao i da predložene izmjene ne bi otežale primjenu Zakona. Mišljenja je da bi bilo korisno da Komisija dobije informaciju o tome koji organi nisu usaglasili zakone sa Zakonom o prometu.

Nakon sprovedene opće rasprave Komisija sa dva glasa “za” i četiri glas “protiv”, nije prihvatila principe Prijedloga zakona

Na osnovu članka 89. Poslovnika, Komisija je za izvjestitelja odredila predsjedatelja Komisije Miloša Jovanovića.

Ad. 4

Predsjedatelj je ukazao da je suština Prijedloga zakona da se odgodi primjena Zakona, kao i da je Komisija dobila negativno mišljenja Vijeća ministara.

Komisija jednoglasno nije prihvatila principe Prijedloga zakona.

Ad. 5

Predsjedatelj je upoznao prisutne da nema uloženi amandmana, otvorio raspravu i pozvao zatupnika predlagača da se izjasne o Prijedlogu zakona.

Željko Knežević je upoznao prisutne da je ovaj Zakon dio seta zakona koji su predviđeni usvojenom Strategijom informacionog društva i da je bitan dio procesa koji će omogućiti elektronsko poslovanje, kao i identifikaciju pošiljaoca dokumenta.

Bjelobrk Miroslav je napomenuo da je Bosna i Hercegovina u okviru Pakta stabilnosti preuzela obvezu usvajanja ovog Zakona do marta 2006.godina , te da je urađen skladu sa normama Evropske unije.

Kojo Koprivica je istaknuo da Zakon predviđa osnivanje Ureda za nadzor, koji će ga provoditi, te da je Zakon primjenjiv i bez osnivanje Agencije za informaciono društvo

Selim Bešlagić smatra da je pozitivno što je Direkcija za evropske integracije dala pozitivno mišljenje na Prijedlog zakona.

Nakon sprovedene opće rasprave Komisija je:

1. jednoglasno podržala principe zakona,
2. konstatirala da na Prijedlog zakona nije bilo uloženi amandmana,
3. jednoglasno prihvatila tekst Prijedloga zakona,
4. konstatirala da je predloženi Zakon neophodno donijeti, te predlaže Predstavničkom domu Parlamentarne skupštine BiH njegovo usvajanje.

Na osnovu članka 89. Poslovnika, Komisija je za izvjestitelja odredila predsjedatelja Komisije Miloša Jovanovića.

Ad. 6

Izet Bajrambašić je istaknuo da je Projekt Koridor Vc vođen uporedo kao mogućnost koncesije i kreditiranja, kao i da je nakon objavljenog Oglasa za izražavanje interesa iskazano zadovoljavajuće zanimanje. Odluka je urađena u skladu sa Zakonom o koncesijama i u saradnji sa Komisijom za koncesije BiH, koja je dala pozitivno mišljenje o Studiji izvodljivosti. S obzirom da je Ministarstvo koncedent, kasnije će na realizaciji Odluke sarađivati i sa Ministarstvom za finansije.

Ruža Sopta je mišljenja da bi trebalo da se uradi poseban Zakon o koridoru Vc i postavila pitanje da li će Vijeće ministara raditi na ovom Zakonu.

Izet Bajrambašić je odgovorio da se pitanje Koridora Vc može riješiti u okviru Zakona o cestama, jer je sektor cesta jedan sistem, a da je veliki problem što ne postoji državni Zakon o cestama, pa se trenutno više novca investira u lokalne nego u magistralne puteve.

Nakon sprovedene opće rasprave Komisija je jednoglasno prihvatila Odluku i predlaže Predstavničkom domu da potvrdi Odluku Vijeća ministara BiH o predmetu, obimu i vrsti koncesije u svrhu izgradnje Autoceste na koridoru Vc.

U smislu odredbi članka 89. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedatelj Komisije Miloš Jovanović.

Ad. 7

Komisija je jednoglasno usvojila Informaciju i zaključke sa Javne rasprave o Projektu "Autocesta na koridoru 5C".

Ad. 8

Na prijedlog Ruže Sopte, Komisija je jednoglasno usvojila zaključak da se za sljedeću sjednicu pripremi Prijedlog izvješćao radu Komisije za mandatni period 2002.-2006.godina

Sjednica Komisije završena je u 10,00 časova.

PRIVREMENI SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
Miloš Jovanović